

**Служба Господу Богу нашему, в Троице славимому,  
в память Крещения Руси**

**На Господи, воззвах: стихирьы Крещения Руси, глас 5.**

**Подобен: Радуйся, Живоносный Кресте:**

**Радуются Небо и земля, / ангели ликуют, людие торжествуют, / се бо Христос, Бог наш, / яко невесту украшенну и избранну, / Церковь Русскую Себе обручи, / люди ея на пажить безсмертия приведе / и спасе от работы вражия Крещением святым, // подай мир душам нашим.**

**Радуйся, земле Русская, / купелию Крещения обновленная, / в нейже от греха омылася еси, / тьму идольскую поправши, / и суемудрие иудейское и агарянское отинула еси, / правую веру в чистоте восприявши, / и Христа, Солнце Праведное, / от Востока взыскала еси, // подающего мир душам нашим,**

**Радуйся, земле Русская, / от восток солнца до запад / одеждею Крещения светло украшенная, / кровью мученик обагрённая, / слезами преподобных омовённая, / труды святителей возделанная / и, яко сад райский, процветши, / плод сторицею Христу принесла еси, // подающему мир душам нашим.**

**Радуйся, Церковь Русская, / благочестия сило непобедимая, / еюже одолела еси вся наветы вражия, / святыни сокровищнице неоскудеваемая, / терпения кладезю неизчерпаемый, / милосердия деснице безмездная, / веры, надежды и любви столпе огненный, / восходяй до Христа, Сына Божия, // подающего мир душам нашим.**

**Вход. Прокимен дне и чтения три.**

**К римляном послания святого апостола Павла чтение**

**(зачало 91):**

**Братие, елицы во Христа Иисуса крестихомся, в смерть Его крестихомся. Спобребохомся убо Ему Крещением в смерть, да, якоже воста Христос от мертвых славою Отчею, тако и мы во обновлении жизни ходити начнем. Аще бо сообразни быхом подобию смерти Его, то и воскресению будем. Сие ведяще, яко ветхий наш человек с Ним распятыся, да упразднится тело греховное, яко ктому не работати нам греху. Умерый бо, оправдися от греха. Аще ли умером со Христом, веруем, яко и жити будем с Ним. Ведяще, яко Христос воста от мертвых, ктому уже не умирает, смерть Ему ктому не обладает. Еже бо умре — греху умре единою, а еже живёт — Божови живёт. Такожде и вы помышляйте себе, мертвым убо быти греху, живым же — Божови, о Христе Иисусе, Господе нашем.**

**К Титу послания святого апостола Павла чтение**

**(зачало 302):**

**Чадо Тите, явися благодать Божия, спасительная всем человеком, наказующи нас, да отвергшеся нечестия и всех похотей, целомудренно и праведно, и благочестно поживём в нынешнем веке, ждущи блаженного упования и явления славы великаго Бога и Спаса нашего Иисуса Христа, Иже дал есть Себе за ны, да избавит ны от всякаго беззакония и очистит**

Себѣ люди избранны, ревнители добрым делом. Егда же благодать и человеколюбие явися Спаса нашего Бога, не от дел праведных, ихже сотворихом мы, но по своей Его милости, спасе нас бание пакибытия и обновлением Духа Святаго, Егоже излиа на нас обильно Исус Христом, спасителем нашим, да, оправдившися благодатию Его, наследницы будем по упованию Жизни Вечныя.

**К коринфяном послания святаго апостола Павла чтение  
(зачала 153 – 154):**

**Братие,** аще языки человеческими глаголю и ангельскими, любве же не имам, бых (яко) медь звенящи или кимвал звяцай. И аще имам пророчество, и вем тайны вся и весь разум, и аще имам всю веру, яко и горы преставляти, любве же не имам, ничтоже есмь. И аще раздам вся имения моя, и аще предам тело мое, во еже сжещи е, любве же не имам, никаа польза ми есть. Любы долготерпит, милосердствует; любы не завидит; любы не превозносится, не гордится, не безчинствует, не ищет своя си, не раздражается, не мыслит зла. Не радуется о неправде, радуется же о истине. Вся любит, всему веру емлет, вся уповает, вся терпит. Любы николиже отпадает: аще пророчества упразднятся, аще ли языцы умолкнут, аще разум испразднится. От части бо разумеваем, и от части пророчествуем, егда же придет совершенное, тогда, еже от части, упразднится. Егда бех младенец, яко младенец глаголах, яко младенец мудрствовах, яко младенец смыслях: егда же бых муж, отвергох младенческая. Видим бо ныне якоже зеркалом в гадании, тогда же лицом к лицу: ныне разумю от части, тогда же познаю, якоже и познан бых. Ныне же пребывают вера, надежда, любы, три сия: больши же сих любы.

**На литии стихира, глас 1.**

**Подобен: О,** дивное чудо:

**О,** дивное чудо! / Древо Жизни / над Русью воздвизается / и всем спасительное бывает, / веселися, Церковь Русская, / новый Христов доме, / равноапостольных Владимира и Ольгу имуще предстателей, / велегласно возопийм, вернии: / Живоносный Кресте, радуйся! / Тобою Господь // подаёт спасение и велию милость.

**Слава, глас тойже. Самогласен:**

**О,** дивное чудо! / Водой Крещения / жизнь вечная даруется / и начало спасения купель бывает, / веселися, Церковь Русская, / новая дщи Христова. / Возопийм, вернии, / святых земли нашея имуще предстателей: / Живоносный Кресте, радуйся! / Тобою Господь // подаёт воскресение и велию милость.

**И ныне, Богородичен, глас 8.**

**Подобен: О,** преславнаго чудесе:

**О,** преславнаго чудесе! / Небесе и земли Царица, / от святых сродников наших умоляемая, / до ныне землю Русскую покрывает / и лика Своего изображении милостивно обогащает. / О Владычице

Державная! / Не престани и на будущее время / во утверждение на Руси православия // милости и чудеса изливати до века. Аминь.

**Аще изволит настоятель, поём на стиховне  
стихиры Всех русских святых, глас 2.**

**Подобен: Дóме Евфрафов:**

**Земле Русская, / граде святыи, / украшай твой дом, / в нёмже Божественный // велии сонм святых прослави.**

**Стих: Господи, Господь наш, / яко чудно Имя Твое по всей земли.**

**Церковь Русская, / красуйся и ликуй, / се бо чада твоя / Престолу Владычню // во славе предстоят, радуящиеся.**

**Стих: Святым, иже суть на земли Его, / удиви Господь вся хотения Своя в них.**

**Соборе святых русских, / полче Божественный, / молитесь ко Господу / о земном отечестве вашем // и о почитающих вас любовью.**

**Слава, глас и подобен тойже:**

**Новый доме Евфрафов, / уделе избранный, / Русь Святая, / храни веру православную, // в нейже тебе утверждение.**

**И ныне, глас и подобен тойже:**

**Вышнии лица, / Богородице Дево, / поют с нижними, / славяще непрестанно // Рождество Твое Пречистое.**

**Тропарь, глас 8:**

**Благословен еси, Христе Боже наш, / землю Российскую Крещением просветивый, / людем ея низпослав Духа Святаго, / ихже и ко спасению приведый, // Человеколюбче, слава Тебе.**

**На утрени**

**По полиелеи величание Пресвятей Троице:**

**Величаем Тя, / Триипостасный Владыко, / верою Православною землю Русскую озарившаго / и святых сродников наших / сонм велии в ней прославльшаго.**

**Седальны Крещения Руси, глас 6:**

**Кто убо возможет достойную похвалу / вам принести, святии Кирилле и Мефодие, / словенских народов апостоли и Богомудрии учителя, / землю нашу Христовым учением просветивши? / Благословен язык, иже засеясте духовная словеса / во спасение отцев наших, / с нимиже и мы ныне согласно воспеваем // Жизнодавца Христа.**

**Слава, глас 8:**

**Равноапостольнии Владимире и Ольго, / образ спасения земли Российской преподаете, / яко родившися духом в купели Крещения, последовали есте Христу, / крестяще люди русския, учаще их оставити идольскую прелесть / и восприяти попечение о души безсмертней, // темже и со ангелы радуется дух ваш.**

**И ныне, Богородичен, глас 4:**

**Яко неборимую стену и источник чудес / стяжавше Тя, раби Твои, Богородице Пречистая, / сопротивных ополчения низлагаем. / Темже молим Тя: / мир земли Русстей даруй // и душам нашим велию милость.**

## Канон Крещенія Русі, глас 2.

### Песнь 1

**Ирмос:** Стопами невлажными Израиль проходил, / сечением вод проявляше Крест, / входом — погребение, / исходом — честное и Божественное Воскресение / поя в похвалении Избавителю победную.

**Припев:** Слава Тебе, Боже наш, слава Тебе.

Велика учителя и мудра сказителя / требует Церковь на украшение праздника, / мы же, нищия словом, что речем? / Обаче, призвавше благодать Святаго Духа, / победно возславим Крещение Русі.

Прииде Спас, благодать и истина, / и многобожие упразднися в земли Россійстей. / Сего ради в похвалении Избавителю песнь победную поем: / Господи, слава Тебе.

### Песнь 3

**Ирмос:** Процвела есть пустыня, яко крин, Господи, / языческая неплодящая Церковь, / пришествием Твоим, / в нейже утвердися мое сердце.

Пуста и преиссохши земля наша бысть, / идольский бо зной изсуши ю, / но внезапно потече источник евангельский, / напаяя всю Русь, якоже рече пророк: / на жаждущей земли источник водный будет; / имже и ныне напояем сердца наша.

Якоже по земли роса, / тако по всей Русі вера прострется, дождь благодатный ороси / и купель Крещения сыны Россійския в нетление облачи; / от нейже и ныне спасение приемлем.

### Седален, глас 5:

Како похвалим тя, отче честный, / славный в земных владыцах, Владимире? / Како уверовал еси? / Како ти сердце отверзется? / Како вниде в тя страх Божий? / Како возгорется любовью ко Христу? / Како вселися в тя разум превыше земных мудрости, / еже возлюбити Невидимаго? / Не видел еси Христа, ни ходил еси по Нем, / како ученик Его явился? / Откуда повея тебе благоухание Святаго Духа? / О, дивное чудо! / Инии царие и властителие, / видяще вся, бываемая от святых мужей, / не веровавше, но паче на страдания и муки предаваша их. / Ты же, блаженне, без всех сих пришел еси ко Христу, / токмо от благаго смысла и острым умом разумев, / яко есть Бог Един Творец, / и вниде во святую купель. / И еже иным юродство мнится, / тебе сила Божия вменися, / Крест — оружие мира, непобедимая победа.

### Песнь 4

**Ирмос:** Услышах, Господи, слух Твой и убоихся, / разумех дела Твоя, и дивихся, и возопих: / слава силе Твоей, Господи.

Не в худей и не в неведомей земли / услышан бысть слух Твой, Господи, но в Русстей, / в нейже Крещением неверие искоренися, / и ныне ведома и слышима есть всеми концы земли.

Новое имя приемши Русь Крещением, / имже написася в книге жизни, Русь Святая. / И по всей земли ныне слышится: / слава силе Твоей, Господи.

## Песнь 5

**Ирмос:** Просвещёние во тьме лежащих, / спасение отчаянных, Христё, Спасе мой, / к Тебё утреннюю Царю мира, / просвети мя сиянием Твоим, / ино́го бо, разве Тебё, бо́га не знаю.

Солнце, красующеся, к высотё восходит / и, радующеся, зёмлю согреваёт, / взыде бо нам в Крещёнии Русí Праведное Солнце, Христос, / и всех, верующих в Него́, спасаёт.

Бывшим нам слепым и Истиннаго Света неведящим, / посла́ Господь свет заповедей Своих, по пророчеству: / реку́ не людем Моим: лю́дие Мои есте́, — / и ти́и реку́т: Господь Бог наш Ты еси́, / ино́го разве Тебё не знаём.

## Песнь 6

**Ирмос:** В бездне греховней валяясь, / неизследную милосердия Твоего́ призываю бездну: / от тли, Бо́же, мя возведи́.

Совлечёся Русь риз ветхих, / сложи́ оде́жды тленныя, отрясе́ прах неверия / и, вше́дши во святую купель, роди́ся от воды́ и Ду́ха. / Мы же, в бездне греховней валяющеся, / то́кмо пока́нием и милосердием Бо́жиим к Жíзни Вёчной возво́димся.

Иже во Христа́ крестихомся, / не от кро́ве, ни от по́хоти плотскíя, / но от Бо́га роди́хомся Святы́м Ду́хом во святёй купели, / а́ще же, согрешающе, умерщвляе́мся, / пока́нием па́ки милосердие Бо́жие и жизнь обрета́ем.

## Конда́к, глас 3.

**Подобен:** Де́ва днесь:

Днесь земля́ Ру́сская предстои́т Бо́гу / и плод свята́го Крещёния Ему́ прино́сит, / Ангели, радующеся, славосло́вят, / и вси святи́и с Богородицею, лику́юще, пою́т: / Христос воцари́ся, Христос просла́вился. / Вёлий еси́, Го́споди, и чу́дна дела́ Твоя́, // Бо́же наш, сла́ва Тебё.

## Икос:

Во еди́но вре́мя вся земля́ Ру́сская / возсла́ви Христа́, со Отце́м и Святы́м Ду́хом, / тогда́ начат мрак идо́льский от нас отходи́ти / и заря́ Правосла́вия яви́ся: / тьма бесо́вскаго служёния погибает / и солнце ева́нгельское зёмлю на́шу осияваёт, / ка́пища разруша́ются, и це́ркви поставля́ются, / идо́ли сокруша́ются, и святи́я ико́ны явля́ются, / бе́си убега́ют, и Крест гра́ды освящаёт, / и па́стырне словесных овец Христо́вых / Безкро́вную Жёртву возно́сят, / Апосто́льская труба́ и ева́нгельский гром / вся гра́ды оглашаёт, / и фими́ам, Бо́гу возносимъ, возду́х освящаёт. / Монасты́ри на гора́х поставля́ются, / и черноризцы явля́ются, / лю́дие це́ркви наполня́ют и, лику́юще, пою́т: / Христос воцари́ся, Христос просла́вился. / Вёлий еси́, Го́споди, и чу́дна дела́ Твоя́, // Бо́же наш, сла́ва Тебё.

## Песнь 7

**Ирмос:** Триё о́троцы в пещи́ Трои́цу прообразивше, / Царя́ и Го́спода пропове́даша / и прелесть идо́льскую упраздни́ша, вопи́юще: / благословён еси́, Бо́же отец на́ших.

**Благословѣн Господь Бог наш, / Иже не попусти до конца людем Своимъ идольскимъ мракомъ одержимымъ быти, / но Сыномъ Своимъ вся языки спасе, / Крещениемъ обновляя в Вѣчную Жизнь.**

**Вся земля Русская крестится во Имя Отца и Сына и Святаго Духа, / и во всехъ градехъ и во всехъ славится Святаго Троица, / малии и велиции прославляютъ Бога, якоже рече пророк: / уведятъ Мя отъ мала и до велика.**

### **Песнь 8**

**Ирмос:** Ангели непрестанно воспеваютъ, / человецы присно славословятъ, / и вся тварь / да благословитъ Господа.

**Да слышитъ и благословитъ Церковь Русская хвалимаго непрестанно отъ ангелъ Господа, / яко призре на люди Свои и Самъ спасе нас, / пострадавъ за насъ плотию, сошедъ во адъ, и съ Собою вся воскреси.**

**Врази бывше Богу, в Крещении сыны Его нарекохомся, / сего ради благословимъ Христа, отъ ребръ Его пьюще источникъ нетления, / отъ негоже приобщаемся Жизни Вѣчной.**

### **Песнь 9**

**Ирмос:** Радуйся, Всецарице, земнородныхъ похвало, / в послѣдняя дни Спасение наше рождающая, / да отъ древня клятвы человеческаго рода свободиши, / темже вси немолчно Тя величаемъ.

**Кое благодарение Богу воздадимъ? / Яко Крещениемъ прелести греховныя избавляемся, / и Покровъ Заступницы Усердныя земли Россійстей обретаемъ. / Темже вси немолчно Бога величаемъ.**

**Кто богъ велий, яко Богъ наш? / Ты еси Единъ, творяй чудеса, / вседержительною десницею Твоею отъ всехъ бедъ насъ избавляяй / и в уделъ избранный Царице Небесней землю Русскую вверяяй. / Темже вси немолчно Богородицу величаемъ.**

### **Светилен:**

**Днесь Светъ велий отъ Креста возсия, / просвещая души наша, / радость и веселие даруя всемъ намъ, / празднество Крещения Руси.**

### **На хвалитехъ стихиры, гласъ 6:**

**Похвальными гласы воспеваетъ / Иерусалимъ апостоловъ двенадцатицу, / Римская страна, хвалитъ Петра, и Павла, / Асія, Ефесъ и Патмосъ — Иоанна Богослова, / Индія — Фому, Египетъ — Марка. / Вся страны, гради и людие / славятъ коегождо ихъ учителя, / имиже увероваша во Иисуса Христа, Сына Божия. / Земля же Русская благословениемъ Андрея Первозваннаго красуется. / Восхвалимъ съ нимъ и нашего просветителя, / равноапостольнаго Владимира, // Руси крестителя.**

**Подобникъ великому Константину былъ еси, / равноапостольне княже Владимире, / той бо в еллинехъ и римлянехъ царство Богу покорилъ, / ты же землю Русскую крести; / той съ материю своею Еленою, / Крестъ во Иерусалиме обрешешю, / во всемъ мире веру утверди, / ты же съ праматерию твоею Ольгою, / Крестъ отъ Константина града принешешю, / знамение сие на Руси водрузи // и насади веру во Единую Троицу.**

**На литургии**  
**Антифоны праздника Крещения Руси**  
**Антифон 1, глас 1:**

**Стих 1:** Блажени, ихже оставишася беззакония / и ихже прикрывшася греси.

**Молитвами Богородицы, Спасе, спаси нас.**

**Стих 2:** Блажени непорочнии в путь, / ходящие в законе Господни.  
**Молитвами Богородицы:**

**Стих 3:** Радуйтесь, праведнии, о Господе, / правым подобает похвалу. **Молитвами Богородицы:**

**Стих 4:** Веселитесь о Господе и радуйтесь, праведнии, / и хвалитесь, вси правии сердцем. **Молитвами Богородицы:**

**Слава, и ныне: Молитвами Богородицы:**

**Антифон 2, глас 2:**

**Стих 1:** Блажен язык, емуже есть Господь Бог его, / люди, яже избра в наследие Себе.

**Спаси ны, Сыне Божий, просветивый нас Крещением, поюция Ти: аллилуия.**

**Стих 2:** Проси от Мене, и дам Ти языки достояние Твое / и одержание Твое концы земли. **Спаси ны:**

**Стих 3:** Спаси люди Твоя, и благослови достояние Твое, / и упаси я, и возми я до века. **Спаси ны:**

**Стих 4:** Господь просвещение мое и Спаситель мой, / кого убоюся?  
**Спаси ны:**

**Слава, и ныне:**

**Единородный Сыне и Слове Божий, безсмертен Сый, / и изволивый спасения нашего ради / воплотится от Святыя Богородицы и Приснодевы Марии, / непреложно вочеловечивыйся; / распныйся же, Христе Боже, смертью смертью поправый, / Един Сый Святыя Троицы, / прославляемый Отцу и Святому Духу, спаси нас.**

**Антифон 3, глас 8:**

**Стих 1:** Глас Господень на водах, Бог славы возгремел, / Господь на водах многих.

**Тропарь, глас 8:** Благословен еси, Христе Боже наш, / землю Российскую Крещением просветивый, / людям ея низпослав Духа Святаго, / ихже и ко спасению привелый, // Человеколюбче, слава Тебе.

**Стих 2:** Дух Твой Благий / наставит мя на землю праву.

**Благословен еси, Христе Боже наш:**

**Стих 3:** Воскресни, Боже, суди земли, / яко Ты наследуши во всех языцех.

**Благословен еси, Христе Боже наш:**

**Стих 4:** С Небес призрел Господь, / виде вся сыны человеческия.

**Благословен еси, Христе Боже наш:**

### **Вход.**

**Входный стих:** Призри с Небесé, Бóже, и виждь, и посети виноград сей, и утверди́ и́, егóже насади́ десница Твоя́.

**Припéв:** Приидите, поклонимся и припадём ко Христу́: спаси́ ны, Сыне Бóжий, просветивый нас Крещением, поющия Ти: аллилу́ия.

**Прокíмен, глас 3:** Господь просвещение мое:

**Апостол, Деяний, зачало 42.**

**Аллилу́иа, глас 4:** Елицы во Христа́:

**Евángелие от Матфе́а, зачало 116.**

**Прича́стен:** Явися благодать Бóжия, спасительная всем челове́ком.

### **Моли́тва на моле́бне в па́мять 1000-ле́тия Креще́ния Руси́**

Трипостасный Бóже, Отче Вседержителю, Сыне Единородный, Спасителю ми́ра, и Ду́ше Святы́й, просвещая́й и освящая́й племена́ и наро́ды! Иже и влады́ку земли́ Ру́сская, князя Влади́мира к свéту и́стинныя ве́ры наста́вивый, и тем всю страну́ на́шу Крещением просветивый, и со́нмом святы́х, я́ко пресвётлым звезда́м, не́бо Це́ркве Ру́сская украсившим, возсия́ти дарова́вый! И нам, смире́нным и недостóйным ча́дом их, ны́не предстоя́щим сла́ве Твое́й и благодарственное моле́бное пéние принося́щим в сей тысящелéтный день Креще́ния Руси́, вели́кую ми́лость дарова́вый, е́же сла́вити, хвали́ти и благодарéние приноси́ти Тебе́ за вся благодея́ния, бы́вшая на Руси́ от лет дрéвних и до ны́не. Призри на ни́ву Твою́, Це́рковь Святу́ю, и на отéчество на́ше, принося́щих Тебе́, я́коже прекра́сный плод спаси́тельнаго се́яния Сло́ва Твоего́, ли́ки святы́х. Ти́и бо послужи́ша лю́дем своим ве́рою, наде́ждою и любóвию, о́бразом сло́ва и жити́я указу́юще нам путь к соверше́нству по за́поведи Христовой: бу́дите убо соверше́ны, я́коже и Оте́ц ваш Небе́сный соверше́н есть. Сохраня́юще сиé свято́е наследие́ их, мо́лимся Ти, Жизнода́вцу: спаси́ и помилуй нас, мир ми́ру Твоему́ да́руй и все́му созданию́ Твоему́, егóже по грехо́м на́шим сы́ны ве́ка сегó обдержáт страхом смéрти. Ве́мы бо, я́ко не хóщеша смéрти грéшников, но е́же обратитися и живы́м им бы́ти; призри на нас, во гресéх пребыва́ющих, отврати́ гнев Твой, пра́ведно двíжимый на нас, да́руй нам покая́ние и Твои́м неизречённым милосéрдием помилуй нас. Приими́ моли́твы и труды́ на́ша, о умноже́нии любве́ среди́ всех люде́й ми́ра сегó. Зе́млю Ру́сскую огради́, власти́ умудри́, вся утéши и обра́дуй, Це́рковь Твою́ возрасти́, достоя́ние Твое́ соблюди́, му́жи и жены́, и младе́нцы благодати́ю просвети́, и вся лю́ди Твоя́ в Правосла́вии и благоче́стии утверди́ моли́твами Пречи́стыя Твоея́ Ма́тере, си́лою Честна́го и Животворя́щаго Креста́ и Всех святы́х, в земли́ на́шей просия́вших, да в едине́нии ве́ры и любве́ сла́вим Тя, Отца́ и Сы́на и Свята́го Ду́ха, во ве́ки веко́в. **Ами́нь.**